

Dint' 'a butteglia
n'atu rito 'e vino
è rimasto...
Embè
che fa
m' 'o guardo?
M' 'o tengo a mente
e dico:
"Me l'astipo
e dimane m' 'o bevo?"
Dimane nun esiste.
E 'o juorno primma
siccome se n'è gghiuto
manco esiste.
Esiste sulamente
stu mumento
'e chistu rito 'e vino in'a butteglia.
E che faccio
m' 'o pperdo?
Che ne parliamo a ffa'!
Si m' 'o perdesse
manc' 'a butteglia me perdunarria.
E allora bevo...
E chistu surz' 'e vino
vence 'a partita cu l'eternità!

Eduardo de Filippo